

Radunonza generala digl 1 da settember 2000

Museum la Truaisch a Sedrun allas 20.00

Tractandas: 1.Beinvegni e presenza
2.Elecziun dumbravuschs
3.Prelecziun ed approvaziun protocol 27-08-1999
4.Rapport annual
5.Rendaquen, rapport revisura ed approvaziun
6.Contribuziun annuala
7.Presentaziun project Putnengia
8.Program da lavur
9.Varia

1.Beinvegni e presenza

Allas 20.00 arva il president André Schmid la radunonza. El fa beinvegni al president communal Placi Berther ed al gerau Toni Schmid. -
Schau perstgisar han sgr. Vic Hendry, Beni Hendry e Bernadetta Cathomen.
Cunquei ch'il president sgr. Placi Berther sto sabsentar avon che la radunonza seigi finida vegn la tractanda 7 prida anavon, gest sunter tractanda 3. Quei che vegn era approbau dils 16 presents.

2.Elecziun dumbravuschs

Giusep Alig vegn eligius

3.Prelecziun dil protocol dalla davos radunonza generala

Igl actuar Berther Bruno prelegia quel. Senza objecziuns vegn quel approbaus.

7. Presentaziun project Putnengia:

André Schmid fa ina pintga entschatta e surdat lu a Tarcisi Hendry che meina ils presents tras la historia e muntada dalla ruina da Putnengia. Sunter la historia declara el las lavurs ch'ei vegnidas prestadas entochen oz e pertgei ch'ina restauraziun ei oz pli che necessaria. Ils mirs ein vegni fatgs libers, schubergiai da caglias e pastg. Duront igl unviern schela l'aua els mirs ed aschia vegnan quels tratgs dapart e donnegiai. Igl ei fetg impurtont che quels vegnan ton pli spert rinforzai, sanai e las auas vegnan tratgas giu. Signur Augustin Carigiet ha mesirau e registrau igl existent. El fa la survigilonza. Signur Lucas Högl da Turitg ha fatg il project che ha custau la summa da frs. 5'000.-- Quei project ei indispensabels per saver racaltgar mieds finansials tier il cantun. Ils cuosts finansials vegnan ad esser denter 190'000 e 212'000.-- francs. 120'000 quintein nus che la vischnaunca metti a diposiziun, il cantun ca 45'000.-- francs, 15'000-- francs fussen da recaltgar dal forum cultural. Nossa proposta ei da saver preparar il project e dar giu alla vischnaunca cun la damonda per finanzas

Tier la discussiun fa president communal Placi Berther attens sin la zona speciala da cultura. El beneventa l'idea da sanar e mantener la ruina da Putnengia era sch'ei seigi ina detga summa. Ei seigi da risguardar quei proximamein el preventiv.

Per survegnir ina idea co ina ruina restaurada e bein mantenida vesa ora fa André Schmid la proposta da far in viadi al Munt s.Gieri.

Sunter quella tractanda, e suenter la discussiun sabsenta il president communal Placi Berther cunquei ch'el ha in proxim termin.

RM

Tractanda 4: Rapport annual

Quel ei era vegnius publicaus en la Tuatschina. Per far cuort menziunescha president André Schmid enqual schatg ord igl onn passau: Lavurs vid la ruina Putnengia, preparaziun restauraziun crusch a Zarcuns, midada da possessur dil baghetg dil schuldau a Plaunsutè, las lavur da renovaziuns vid il begl a Bugeni, presentaziun cudisch da Cornelia Monn, Il natalezi d'otgonta da Vic Hendry e sia gronda lavur per il romontsch, la lavur da Francestg Berther, la damonda da sustegn per il cudisch da Peter Dettling.

5. Rendaquen

Il rendaquen vegn presentaus da nies cassier Tarcisi Hendry.

Entradas	2'862.--
Expensas	3'653.--
En cassa	8'377.00

contribuziuns entochen ussa 2035.--

Il rapport dalla revisura ei a scret avon maun cunquei ch'ella ha buca saviu far d'esser presenta. Il quen segi menaus en uorden ed ella fa la proposta d'acceptar quel e dar scarica alla suprastonza. Quei vegn era approbau dals presents unanimameinl.

6. Contribuziuns.

La contribuziun annuala vegn schada sco tochen cheu.

8. Program:

Puntnengia: damonda alla vischnaunca per credit da rama.
Visitar ruina Munt sogn Gieri, excursiun d'in di cun l'uniun
Referat da Gion Lechman sur dil lungatg romontsch
Crusch a Zarcuns vegn restaurada. Finanzas ein buca aunc garantidas. Vegn dumandau pleiv e vischnaunca e privats.
Sustegn a Peter Dettling tier siu cudisch.

9. Discussiun

En la discussiun vegnan differentas ideas e meinis purtai avon partenent il program da lavur e l'uniun sezza. Il tenor ei quel che **mo** cun il sustegn dalla vischnaunca ei la lavur vid la ruina da Putnengia pusseivla.

Sut varia presenta gerau Toni Schmid il project dil niev museum da cristallas che duess vegnir construius cheu en la vischinonza dil museum la Truaisch. Il project sez, l'architettura sco era il liug han lantschau ina animada discussiun ed ils meinis ein stai aschi differentes sco ils presents.

Rueras, settember 2000, Berther Bruno

